

KPDNHEP Sabah rampas dakwat tiruan bernilai RM800,000

Bernamea | Jun 27, 2019 05:25 MYT



KPDNHEP Sabah merampas dakwat tiruan bernilai RM800,000 dalam serbuan di sebuah premis di Jalan Bundusan Penampang pada Rabu. - Foto BERNAMA

KOTA KINABALU: Kementerian Perdagangan Dalam Negeri dan Hal Ehwal Pengguna (KPDNHEP) Sabah merampas dakwat tiruan bernilai RM800,000 dalam serbuan di sebuah premis di Jalan Bundusan Penampang, pada Rabu.

Timbalan Pengarah KPDNHEP Sabah Ravichandran Vadivellu berkata tiga wanita dan dua lelaki berusia antara 20 hingga 50 tahun turut ditahan dalam serbuan di premis yang dijadikan tempat penyimpanan barang tiruan tersebut.

Katanya serbuan dilakukan pada jam 4 petang berdasarkan aduan diterima daripada pihak yang menjadi wakil sah Samsung, HP dan Canon.

Rampasan dilakukan di bawah Akta Perihal Dagangan 2013, katanya dalam satu kenyataan. Dalam pada itu, Ravichandran berkata kementerianya telah membuat 40,800 pemeriksaan di seluruh negeri ini dan mengesan 974 kes pelbagai akta sejak Januari lepas.

Katanya ia membabitkan nilai rampasan sebanyak RM2.4 juta dan nilai kompaun sebanyak RM235, 530.